



# ԱՌԱՋՆՈՐԴԱՐԱՆ ՀԱՅՈՑ

Ա.Մ. ՆԱՀԱՆԳՆԵՐՈՒ ԱՐԵՄՏԵԱՆ ԹԵՄԻ

**WESTERN PRELACY**

OF THE ARMENIAN APOSTOLIC CHURCH OF AMERICA

**H.E. ARCHBISHOP MOUSHEGH MARDIROSSIAN, PRELATE**

Tel: 818-248-7737/8, Fax: 818-248-7745

E-mail: [info@westernprelacy.org](mailto:info@westernprelacy.org) Website: [www.westernprelacy.org](http://www.westernprelacy.org)



## ԱԶԳ. ՖԵՐԱՅԵԱՆ ՎԱՐԺԱՐԱՆԻ 10ՐԴ ԴԱՍԱՐԱՆԻ ԱՇԱԿԵՐՏՆԵՐԸ ԱՅՑԵԼԵՑԻՆ ԱԶԳԱՅԻՆ ԱՌԱՋՆՈՐԴԱՐԱՆ

Վերջին տարիներուն, յատկապէս Ազգ. Առաջնորդարանի նոր շէնքի կառուցման ամբողջացումէն ետք, գեղեցիկ աւանդութիւն մը սկսած է զարգանալ մեր Թեմին մէջ. աշակերտներ, իրենց ուսուցիչներուն եւ ծնողներու ընկերակցութեամբ, այցելութեան կու գան Ազգային Առաջնորդարան, իրենց շնորհները կը հրամցնեն Առաջնորդ Սրբազանին ու զիրենք հիւրընկալող հոգեւոր հայրերու, պատգամներ կը լսեն ու գեղեցիկ յիշատակներով կը վերադառնան դպրոց, իրենց հոգիներուն մէջ տեղ մը արձանագրելով ազգի ծառայութեան գաղափարն ու թելադրանքը:

Աւանդապահներու նորագոյն խումբը կազմեցին Ազգ. Ֆերահեան Երկդ. Վարժարանի 10րդ դասարանի աշակերտները, որոնք Չորեքշաբթի, 2 Մարտի առաւօտուն, առաջնորդութեամբ իրենց հայրենի ուսուցիչին՝ Պրն. Արա Գազանճեանի եւ ընկերակցութեամբ այլ ուսուցչուհիներու ու ծնողական մարմինի ներկայացուցիչին, հասան Ազգ. Առաջնորդարան եւ մօտաւորապէս երկու ժամ հաճելի եւ օգտաշատ պահ մը բոլորեցին անոր յարկին տակ: Անոնք դիմաւորուեցան Թեմիս բարեխնամ Առաջնորդ Բարձր. Տ. Մուշեղ Արք. Մարտիրոսեանի, Քրիստոնէական Դաստիարակութեան Բաժանմունքի վարիչներ՝ Գերպ. Տ. Միւռն Ծ. Վրդ. Ազնիկեանի եւ Յոզ. Տ. Պարթեւ Վրդ. Կիւլիմեանի կողմէ:

Աշակերտները առաջին հերթին առաջնորդուեցան «Ս. Տրդատ եւ Ս. Աշխէն» մատուռ, ուր ունեցան աղօթքի պահ մը: Ուշագրաւ զուգահիսութեամբ մը, այս այցելութիւնը տեղի կ'ունենար Ս. Վարդանանց տօնի նախօրեակին, ու բնականաբար հանդիպումը ընդհանուր առմամբ անցաւ այս տօնի խորհուրդին մթնոլորտին մէջ: Տերունական Աղօթքին կողքին, երգուեցան Ս. Վարդանանց տօնին նուիրուած շարականներ:

Այնուհետեւ, խումբը ուղղուեցաւ «Տիգրան եւ Չարուհի Տեր Դազարեան» սրահ: Երկու աշակերտներ դաշնակի վրայ նուագեցին մեկական կտոր, ապա, Հայր Պարթեւ դասախօսութիւն մը տուաւ տօնին մասին: Ան հակիրճ պատմականը ըրաւ մեր ժողովուրդի քրիստոնէացումին ու յաջորդ 150 տարիներուն անոր դիմագրաւած մարտահրաւերներուն, ապա կեդրոնացաւ Յազկերտի սպառնալիքներուն եւ հայութեան միահամուռ հակադարձութեան: Հայր Սուրբը շեշտեց, որ հայ ժողովուրդը, իր իշխանական ու հոգեւոր աւագանիով ու բոլոր դասակարգերով «ոչ»

ըսաւ ձուլումի ու կրօնափոխութեան հրաւերին, ու նահատակութեան գնով շահեցաւ մեր ժողովուրդին ու հայրենիքին գոյատեւումը՝ իբրեւ ինքնուրոյն ու ազատ ժողովուրդ: Ան յիշեցուց, որ հայ ժողովուրդին կամքը միայն Աւարայրի ճակատամարտով չվճռուեցաւ, այլ անկէ ծայր առած երկարաշունչ պայքարով, որ յանգեցաւ Վահան Մամիկոնեանի գլխաւորած շարժումին յաղթանակով պսակումին: Իր խօսքի վերջին բաժինով, Յայր Պարթեւ աշակերտներուն ուշադրութեան յանձնեց, որ Ս. Վարդանանց պատերազմը միայն անցեալին պատկանող դէպք է, այլ «Քաջ Վարդանի թոռն»երը հանդիսացող ապրող սերունդները՝ իրենք՝ աշակերտները, կը դիմագրաւեն նմանօրինակ մարտահրաւերներ, ու իրենց վսեմ պարտականութիւնն է ծանօթանալ մեր ժողովուրդի ժառանգութիւններուն, կառչիլ քրիստոնեական ու ազգային արժէքներուն, դառնալ աւանդապահներ եւ հայութեան արժանիքները մարմնաւորողներ:

Ապա խօսք առաւ Առաջնորդ Սրբազանը, որ անդրադարձաւ Վարդան Մամիկոնեանի, Ղեւոնդ Երեցի ու զինակիցներուն հերոսական կեցուածքին, նահատակութեան գնով հաւատքին ու հայրենիքին հաւատարիմ մնալու անոնց նուիրաբերումին եւ անոնց թողած անժամանցելի պատգամներուն: Ան թելադրեց ոչ միայն ծանօթանալ մեր անցեալի ու ներկայի արժէքներուն, մեր պատմութենէն հասնող պատգամներուն, այլ նաեւ իրենց կեանքներուն մէջ պահպանել մեր սրբազան նահատակներուն ու հերոսներուն հաւատարմութիւնը:

Աշակերտները ծանօթացան Ազգ. Առաջնորդարանի բաժանմունքներուն, ապա Առաջնորդ Սրբազանին ու Յոգեւոր Յայրերուն շուրջ խմբուեցան Ազգ. Առաջնորդարանի դահլիճին մէջ, վայելելով կոկիկ հիւրասիրութիւն եւ արժանանալով յուշանուէրներու: Առաջնորդ Սրբազանը հակիրճ տեղեկութիւններ տուաւ Ազգ. Առաջնորդարանի գործունեութեան ու անոր հովանիին տակ գործող եկեղեցիներուն ու դպրոցներուն մասին, նկատել տալով, որ իրենց դպրոցը՝ Ֆերահեան վարժարանը եւս մաս կը կազմէ մեր կրթական համացանցին: Ան նաեւ ծանօթութիւններ տուաւ ամերիկեան ցամաքամասին վրայ գործող թեմերուն մասին, նշելով, որ հայութիւնը այս ափերը հասած է Տեղասպանութենէն շատ առաջ ու աւելի քան 110 տարի առաջ, Ֆրեզկոյի մէջ կառուցած՝ արեւմտեան այս շրջանի առաջին եկեղեցին՝ Ս. Երրորդութիւն մայր եկեղեցին: Աշակերտները ունէին հարցումներ, որոնց պատասխանեց Առաջնորդ Սրբազանը եւ տուաւ յաւելեալ լուսաբանութիւններ:

Հանդիպումի աւարտին, Առաջնորդ Սրբազանը յուշանուէրներ յանձնեց աշակերտներուն եւ ընկերակիցներուն. յուշանուէրը Նոր Կտակարանն ու Սաղմոսագիրքը մէկտեղող հատոր մըն էր. Առաջնորդ Սրբազանը յանձնարարեց, որ աշակերտները առօրեայ ընթերցումներով հարստացնեն իրենց հոգիները: Աշակերտները խոստացան կատարել ընթերցումները:

Մեկնելէ առաջ, աշակերտները Առաջնորդարանի մուտքին ունեցան խմբանկար մը եւ երգեցին Հայաստանի Բայլերգը:

## FERRAHIAN SCHOOL 10<sup>TH</sup> GRADE STUDENTS VISIT THE PRELACY

On the morning of Wednesday, March 2<sup>nd</sup>, 2011, Ferrahian School tenth grade students visited the Prelacy, accompanied by Armenian teacher Mr. Ara Kazanjian and parents.

Upon their arrival, the students were escorted to the ƔSt. Dertad and St. AshkhenՄ Chapel where H.E. Archbishop Moushegh Mardirossian, Prelate, led a prayer service in which Very Rev. Fathers Muron Aznikian and Barthev Gulumian participated. Given that the visit coincided with the eve of Sts. Vartanank, songs dedicated to the Feast were also sung.

The students then headed to the "Dikran and Zarouhie Der Ghazarian" Hall where two students performed pieces on the piano, after which Fr. Barthev lectured on the Feast of Sts. Vartanank. Fr. Barthev gave a brief history on the challenges the Armenian people faced for 150 years from the time of the adoption of Christianity, focusing on threats from the Persian King Hazgerd for Armenians to renounce their faith. Fr. Barthev stressed that the Armenian people resoundingly refused to renounce their faith and through their martyrdom, preserved the faith and identity of our people. He continued, saying that the destiny of the Armenian people was not determined on the battlefield of Avarayr, but rather through the struggles and uprisings that followed and which culminated in the victory secured by General Vahan Mamigonian. In conclusion, he reminded the students that the battle of Sts. Vartanank is not a mere historical fact and has implications for our youth today. "As the descendents of Vartan, it is the obligation of our youth to follow in their example by adhering strongly to our faith and heritage, and preserving and promoting our religious and national values", concluded Fr. Barthev.

In his message, the Prelate exalted the heroism of General Vartan Mamigonian, Ghevont Yeretz, and their soldiers, who through their martyrdom demonstrated their loyalty and devotion to our faith and nation, and urged the students to embody the faithfulness of our martyrs in their own lives.

The students then received a tour of the headquarters, after which they were led to the reception room where during a meeting with the Prelate, they were familiarized with the endeavors and mission of the Western Prelacy, Prelacy Schools, and of the North American Prelacies in general. The Prelate also answered questions presented by the students.

At the conclusion of the meeting, the Prelate presented the students and guests with a memento, *The New Testament and Psalms*, and urged them to enrich their minds and souls with daily readings from the Bible which the students promised to do.

The visit concluded with a group photo at the main entrance of the Prelacy, and the collecting singing of the Armenian national anthem.